

Nassaustraat 60 • Tel. 1845—1283



Den e ciudad na Hulanda St. Pancras, a tuma lugar e enlace matrimonial entre señor Rein J. Middelburg y srta. Sheila Ann Rogers di Isleworth (Inglaterra.) E matrimonio aki a ser efectua cu ayudo di un botter di limonada, den cual un carta a worde manda di Inglaterra pa Hulanda, seis anja pasa, Riba e portret e pareha feliz cu a worde saca cu e symbolo di nan felicidad: e carta den botter.

R.C.A. a kibra invicto di San Nic Jrs ganando 3-2

(Di nos Redactor Deportivo)

Un di e tres invictonan cu tabata keda den e actual campeonato di futbol hoofdklasse a eui diamars anochi ora cu e cancha di R.C.A. a 2-1 di San Nicolas Jrs cu anotacion di 3 gol pa 2. Den tres salida San Nicolas Jrs tabata dos victoria y un empate. Awor a keda invicto ainda den e campeonato e equipo di Juventud Millonarios cu tres triunfo y Dakota cu un triunfo y dos empate.

Pa R.C.A. e victoria di diamars anochi tabata su segundo di e campeonato.

Poco despues cu reteri Frans Figaroa a duna senjal pa cuminsa e partido, e cancha di San Nicolas Jrs a comenza ta hiba e bala cu insistencia riba e mitad di tereno di R.C.A. Largo rato nan ta logra tene e bala

di keeper Ratini pa pone RCA ariba 1-0.

Atrobe e muchanan di San Nicolas ta coge dominio di e weg y ta tene e bala minuut tras di minuut riba e tereno di R.C.A. Nan shooting sin embargo ta faya, mientras cu tambe e defensa di RCA ta trata fuertemente eliminando e atakenan.

Despues di ta practicamente 14 minuut sigui den defensa so, R.C.A. ta forma un atake den di 27 minuut di weg. Yonko Alberts a shot for di aladrecu pa rober y ta pone pase largo pa Jose Boye. Esaki ta worde drenta door di back Beltran, pero for di posicion hopi dificil y ya na momento cu tin hende a kere cu el a perde e bala. Boye ta logra pone un shot halto den skina completamente for di alcance di keeper Ratini. Un bunita gol cu indubidablemente a merece e aplausonan cu el a hanja. Score 2-0 pa R.C.A.

Boei Briezen, fuerte pilar di e equipo di San Nicolas ta manka den di 34 minuut y mester bandona e partido drentando Thode na su luga.

Un rato despues, e hopi atakenan di San Nicolas Jrs porfin ta mira un coronacion ora cu rechtsbuiten Silvio Comenencia ta pone un shot cu puntipia cu a bai para te den net. E scoreboard a marca awor 2-1 na favor di R.C.A. cu cual score e primer mitar di weg a yega na su fin.

Segundo mitad: Uno mas pa cada un

Den di cinco minuut di e segundo tempo, reteri Frans Figaroa ta constata un penalty cometi door di San Nicolas Jrs y ta duna su sentencia. Yonko Alberts a coloca su mes tras di e cuero y den forma impecable ta pone R.C.A. ariba 3 pa 1.

Ningun momento e animo di e muchanan di San Nicolas ta mengua sin embargo y nan ta continua pone presion.

Edwin Dirksz ta logra kita un bala nei na ora for dilanti di e pia anso pa shot di rechtsbuiten Comenencia.

Otro biaha keeper Feki Caster tin di sal puru te pafor di doelgebied pa kibra un atake cu kophal.

Pero apesar di e hopi avancenan ta te den di 20 minuut e delanteronan di San Nicolas Jrs ta produci un gol. Door di un fayor riba defensa drechi midvoor Eddy Gomez ta logra peneira efectivamente y ta pone un shot cu ya keeper Caster no por a diene mas. Haciendo hopi esfuerza Edwin Dirksz ta trata ainda di desvia e bala, pero ya esaki a cruzar e linea di gol pa e segundo di San Nicolas Jrs.

Mas cu den e premier mitad R.C.A. ta forma atake den e segundo.

Juancho Kock ta hanja den di 28 minuut un bon chens pa empata e partido. Di hopi serca e ta faya ora cu su shot, demasiado suave, ta bai directamente den man di keeper Caster.

Mayoria di e shotnan tuma door di e delanteronan di San Nicolas Jrs durante henier e partido tabata bai den man di keeper Caster.

Cu e score di 3 pa 2 den favor di R.C.A. e partido a finaliza. Indubidablemente ta un score cu no ta refleha fielmente e estado di e weg. San Nicolas Jrs tabata mucho mas den atake cu R.C.A., pero e poco, compara cu loke San Nicolas Jrs tabatin, atakenan di R.C.A. tabata resulta mas efectivo, cu shooting mas peligroso.

Posicion di e equiponan

Club	G	W	D	P
Juv. Millonarios	3	0	0	6
San Nicolas Jrs.	2	1	1	5
Dakota	1	2	0	4
Es fella	2	0	1	4
R. C. A.	2	0	1	4
Tropical	1	1	2	3
Jong Aruba	1	0	3	2
Aruba Jrs.	0	0	4	0

YABI

pa bo exito

Avisa den
ARUBAANSE
COURANT
y compara e
resultado

TIRE

usa, pero uen bon
condicion y tire
original di marca-
nan mundialmente
conoci,
NA PRIJSAN
SIN IGUAL!
pasa awe mes pa
un set...

placa bo por hanja e mesos na:

PANAMA STORE

PETRONA & CROES

Bo cas ta bo orgullo ora cu bo usa
verf marca PIETER SCHUEN.
Tambe nos ta huur equipo di con-
struccion na prijsnan favorabel.
Haci nos un bishita y lo bo sal
satisfecho.

TA BENDE

2 cama di un persona
1 cabay pa strika

Pa informacion acudi na

KOLIBRIESTRAAT 5
(Sineon Antonio) despues di
5'or p.m. of jama tel. 2390.

MARLBORO 3 ZENITH 12

(Di nos Redactor Deportivo)

Cu score di 12 carrera pa 3, Zenith a supera Marlboro diamars anochi den Lago Sport Park den otro partido di e campeonato di baseball AA. Un total di 15 hit Zenith a conecta, mientras cu nan a comete dos error. Marlboro a conecta 5 hit y pifa 7 biaha. Pitcher ganador a resulta J. Richardson perdiendo Claude Wilson.

DIA 22 y 29 SELECCION PA EQUIPO DI SPEARFISHING

(Di nos Redactor Deportivo)

Segun nos a worde informa diadomingo awor lo worde teni e prome parti di e seleccion di un equipo cu lo representa Aruba den e venidero encuentronan internacional di Spearfishing cu durante luna di november ta worde teni na Bonaire. Un total di cuatro team a inscribi pa tuma parti den e seleccion, lo worde competi durante dos diadomingo, e premier dia 22 y e segundo dia 29 di september. E equipo cu durante e dos fechaan aki a acumula e mas halto cantidad di puntos lo representa Aruba durante e torneo mencionaa.

E equiponan cu a inscribi ta Roy van Puiten, Eddy Wiersma y Nathaniel Andrews den uno, Martinus

MARTINI

VERMOUTH

WIMCO

sweet
white
extra dry

GRAN FIESTA BAILABLE

DIASABRA AWOR, 21 di september den
CLUB ESTRELLA

for di 8'or p.m. pa 2'or a.m. presenta pa comision di
KLEUTERSCHOOL SANTA CRUZ

● Musica cu ESTRELLAS MUSICAL y NUEVA SENSACION
ENTRADA: Caballeros f 3.— — DAMAS f 1.—

TA BUSCA

pa drenta servicio pronto
MECANICO DI MACHIN DI OFICINA

Y

APRENDIZ CU DIPLOMA DI A.T.S.

TIELEMAN'S

Nassastraat 95
MESTER PRESENTA CU DIPLOMANAN DESPUES DI 5'OR P.M.

AUSTIN 1100

Bin haci un prueba cu e
nobo y mes ora bo sa
cua auto lo bo cumpra!

WARENHUIS
VAN DER REE N.V.
Telf. 1213 — Oranjestad



Den e capital di Marokko, Rabat, e prome portretnan di principe Sidi Mohamed, e principe heredero di Marokko a worde saca. E portret ta muestra e tata orgulloso, rey Hassan II cu den su braza e jiu chikitu,

BO HOROSCOPO PERSONAL

ARIES
21 Maart — 20 April

Esaki por bira un dia ventahoso pa bo, otronan lo recompensa bo na servicionan presta. No laga hendenan fastioso causa desunion anochi.

TAURUS
21 April — 20 Mei

Awe mainta ta favorable pa stimula bo deseanan personal. Bo lo hanja fabornan cu bo ta busca. Atardi si bo mester tene cuidao.

GEMINI
21 Mei — 20 Juni

Mainta ta favorable pa hanja ayudo y solucion bo problemanan di cas. Mas den dia bo lo hanja tur atencion desea.

CANCER
21 Juni — 22 Juli

Cuminsa bo dia cu alegria y laga otronan sa kiko bo ta desea. Bo lo hanja cooperacion, pero tene cuidao banda di anochi.

LEO
23 Juli — 22 Augustus

Dia ta habri favorable pa bo, busca ganashi tempran. Reforza bo relacionnan cu amigunan, pero tene cuidao cu gastonan anochi.

VIRGO
23 Augustus — 22 September

Mainta tempran ta favorable pa bo, haci bon uso di esey. Por tin algun problema social banda di anochi, bishita mayornan.

LIBRA
23 September — 22 Oktober

Lanta tempran a bo tin mester di fabornan di otro. Un decision di un hende por cambia bo plannan di anochi.

SCORPIO
23 Oktober — 22 November

Si bo cuminsa tempran awe, bo lo bai dilanti den un asunto importante cuidao cu asunto nan di placa cu amigunan anochi.

SAGITARIUS
23 November — 21 December

Awe mainta bo lo tin exito den asunto nan di trabao. Socionan y otronan hendenan por ta poco nervioso den anochi.

CAPRICORNUS
22 December — 19 Januari

Dia ta cuminsa alegre y contentu pa awe. Evita problemanan di amor of romantico mas den dia y no cumins chens.

ACUARIUS
20 Januari — 18 Februari

Awe bo mester cuminsa tempran pa provecha di algun chens favorabel. Prome cu atardi bo por hanja ayudo di otronan.

PISCES
19 Februari — 20 Maart

Awe probablemente lo bo hanja un biaha chikiti. Evita desunion mas den atardi, anochi un cierto asunto lo termina bo favor.

ADENAUER CIUDADANO DI HONOR

BERLIN, 19 Sept. — Na su bishita di despedida na Berlin como edil dr. Adenauer lo worde nombra ciudadano di honor dje ciudad di Senado di Berlin West y Parlamento a dicidi pa dunale e distincion a den nomber di tur ciudad Aleman. Nan ta spera Adenauer na Berlin d 9 y 10 di october.

CISCO KID presenta pa cortesia di ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.

1. Nan a mata e jefe. Mira, e cajon... a kibra na waki.
2. Despues cu nan a mata nan jefe, e indiano a step di bringa y a hui bai pa e seranua...
3. Biba! Biba Cisco! Bo a vence e indiano cu nan mes arma. Esei nos mester gradici na nos amigo Oso Parado.



EPITA pa cortesia di: Antillian Hardware Co

E mejor adres pa VERF, KWASHI, TUR CLASE DI HERMENT, articulos sanitario.

1. Mi Dios, mi a aumenta 4 kilo.
2. Mi tin cu cuminsa pone mi na dieta mesora.
3. Bo no ta s'nti, cu ta e cucho ta pisa e weegschaal?
4. Anto ta abo, cu mester ta na dieta.



FALTA 7 DIA MAS PA E GRANDIOSO CONCURSO DI E FAMOSO RON BOCA CHICA CERA!!

Dia 26 di september ta e dia grandi cu e consumidornan di RON BOCA CHICA tin oportunidad di gana premionan valioso, e.o. 1 Stationwagon KADETTE '63 - 1 PIANO - 1 AIRCO FEDDERS - 6 premios di f 100.— y 100 premios di 1,2 gln. di RON BOCA CHICA. Sigui bebe lo mehor. Sigui spaar bo bolternan y cambia nan pa tickel. • Agente: E. F. DEBROT INC. - Nassaustraat 98 - Tel. 1040

TENNIS NA ARUBA

(Di nos Redactor Deportivo)
Durante e weekend y dialuna a wordo hunga e siguiente weganan di e torneo di tennis masculino di Aruba Jrs.

A. Diefentaler y M. Taytelbaum a perde e promer set contra di Boy Escalona y Edgar dela Nooy cu score di 6 pa 3, pero nan a haci un formidable comeback den e segundo. Nan a gana e segundo cu anotacion di 6 pa 0, e promer set gana cu cero di e torneo. Pero e reaccion di Diefentaler y su companero no tabatin hida largo ya cu e tercer y decisivo set ta wordo gana door di Escalona y dela Nooy atrobe cu score di 6 pa 3, loke a duna nan asina nan tercer triunfo di e torneo. Pa Diefentaler y Taytelbaum tabata nan cuarta derrota.

Ciro Pieters y Elfrim Tromp a supera Cesar Kip y Labadie den dos set sigui cu a caba 6 pa 4 y 6 pa 2. Pa e ganadornan tabata nan triunfo

number cuatro, mientras cu Kip y Labadie a sufi cu esey nan derrota number cuatro.

Gechi Pieters y Tico Kuiperi, den e msa rapido partido registra te ainda, a gana di Edgar Kelkboom y Gus Pablo cu score di 6-0 y 6-2. E team di Pieters a obtene cu esaki nan tercer triunfo y pa Kelkboom y Pablo esaki tabata nan derrota number dos.

Victoria number cuatro di e torneo e team di Herman Kuiperi y Desi Baarh a obtene superando e duo di Kip y Labadie. Aki e match a keda dicidi den dos set cu e score di 6 pa 4 y 6 pa 0. Pa Kip y Labadie esaki tabata nan derrota number cuatro.

E unico default te ainda di e torneo tabata e encuentro entre Diefentaler-Taytelbaum contra di Thermen-Trappenberg. E team ultimo menciona no a presenta completo tibi tere no y consecuentemente a perde pa

default. Pa nan tabata nan di 3 derrota, mientras cu Diefentaler-Taytelbaum a obtene asina nan segundo triunfo.

Den e grupo Kramer di e torneo la ocupando e promer puesto e team di Klapper-Nieuw cu tin tres triunfo sin derrota. Empata den e segundo luga cu tres triunfo y un derrota cada uno nos ta hanja e teamnan di Gechi Pieters-Tico Kuiperi y di Boy Escalona-E. dela Nooy. Luego cu dos gana y dos perdi ta sigui e equipo di Kelkboom Pablo. A. Diefentaler y Taytelbaum, e promer team pa completa su programa di e torneo, tin dos gana y cuatro perdi. Den penultimo luga nos ta hanja e team di Eddy Thermen-Joe Trappenberg cu un gana y tres perdi y den ultimo puesto cu tres derrota sin triunfo nos ta hanja e team di Luis Brion y Leander Frans.

Den e Grupo Pancho, tambe tin un fuerte rivalidad pa e promer puesto. Cada uno cu cuatro gana y un perdi ta empata den e promer puesto e tres teamnan Sid Frigero-de Graaf, Ciro Pieters-Elfrim Tromp y Herman Kuiperi-Desi Baarh. Correa y Lebaes tin

un gana y dos perdi, Charlie van Eer y Noach un gana y tres perdi, Bruin-Labad cu un gana y cuatro perdi mecos cu Kip-Labadie.

Awe tardi e torneo ta continua cu importante partido di e Grupo Kramer.

SAM JACOBS A BLANKEA MARLBORO

(Di nos Redactor Deportivo)

E lanzador estelar di Heineken's Sam Jacobs a blanka Marlboro den otro partido di e campeonato di baseball AA pa e triunfo number ocho di e novena cervicero. Cu e victoria aki e dos equiponan Heineken's y Esso Servicenters ta empata atrobe den e promer luga di e tabla di posicion. Heineken's a conecta un total di 17 hit y a comete un error, mientras cu Marlboro a conecta cinco hit y a pifia tres blaha.

Pitcher perdedor di e encuentro aki, den cual e cerviceronan a conecta batazonan den tur skina di e tereño, tabata e zurdo Claude Wilson.

Douane 7 Rapinos 4

(Di nos Redactor Deportivo)

Continuando e campeonato di softball masculino a enfrenta otro diadomingo mainta den Wilhelminastadion, den e promer partido e novenanan di Douane y Rapinos. Cu anotacion di 7 carrera pa 4, Douane a resulta vencedor. Nan a conecta 10 hit contra di e cinco di Rapinos, mientras cu e errornan cometi tabata dos door di e douaneronan y uno door di Rapinos. Pitcher ganador a resulta Ovie Williams, kende den e quinto despues di lesicna su pia mester a entrega e wega na Cholan Jacobs.

R. Koolman a resulta e lanzador perdedor pa Rapinos.

A. Bergeijk di Douane den inning number tres a conecta un homerun

y M. Rasmijn di Rapinos tambe a conecta cuadrangul den e quinto.

Aruba Jrs 14 Elmar 1

E segundo wega di e dia tabata entre e equiponan di Aruba Jrs y Elmar. Cu score di 14 pa 1, e hoben equipo di Aruba Jrs a sali triunfador. Nan a liga un total di 15 hit contra di e tres lanzador,utiliza door di Elmar y nan a pifia unicamente un blaha. Elmar a conecta total di 9 hit y a comete tres error.

Pitcher ganador a resulta Victor Albus, kende a destaca den bateo tambe conectando tres hit den cuatro turno. Su companero, Eddy Becker den e sexto inning a conecta un homerun cu un companero na base y tambe a bati di 4-3.

A carga cu e derrota pa e novena di Elmar e lanzador J. Yazaragay, kende den e quinto inning a wordo revela door di Loe A Tjam. Esaki na su turno a entrega e wega den e sexto inning na Cesar Kip cu a cubri resto di e ruta.

Awe nochi e campeonato di softball ta continua den Wilhelminastadion cu dos partido mas.

DON BOSCO A SUPERA HILTON

(Di nos Redactor Deportivo)

E ultimo partido di e programa regular di e campeonato di baseball Junior a wordo hunga dialuna anochi entre e teamnan di Don Bosco y Hilton. Cu anotacion di 8 pa 4 Don Bosco a resulta ganador conectando 9 hit y cometiendo cinco error. Hilton a conecta tres hit y a pifia ocho blaha.

Pitcher ganador a resulta L. Romero y perdedor H. R. Rodolfo.

E play-off pa e promer luga entre Don Bosco y Coco Rico lo cuminsa pronto.

AGENDA

CINE

Diahuebs 19 september 1963
DE VEER 8.30 p.m.: „O Sole Mio“ all
RIALTO 8 p.m.: „Three Moves to Freedom“ 18 J
PRINCIPAL 8 p.m.: „Sodom and Gomorrah“ 18 J
AURORA 8 p.m.: „Never let Go“ 18 J
SAVANETA 8 p.m.: „El Globo“ all

BOTICANAN DI WERDA

Oranjestad: BOTICA DEL PUEBLO tel. 1253-2154
San Nicolas: BOTICA SANLUCA tel. 5119

DOKTERNAN DI WERDA

Oranjestad-Noord: Dr. C. v.d. Bijl
S. Nic-Sta. Cruz-Sav. Dr. D.J. de la Fuente
WIT-GELE KRUIS
San Nicolas: Dr. Perpetua
Oranjestad: Dr. Walda
Santa Cruz: Dr. Ludovic

POR CUMPRAR ARUBAANSE COURANT

TAMBE NA:
* Piet Soda Fountain (Ostad)
* Refresqueria Ingrid (Ostad)
* Boekhandel Mariska (Ostad)
* Union Store (San Nicolas)

POSTSLUITINGEN

Diahuebs
Angalia 8.00, Antigua 8.00, Argentina 8.00, Bolivia 8.00, Bonaire 10.00, Brazil 8.00, Canada 8.00, Canal Zone 15.30, Chile 8.00, Colombia 8.00, New York 8.00, New Orleans 15.30, Barranquilla 15.00, Bogota 15.00, Costa Rica 15.30, Cuba 8.00, Curacao 10.00, Ecuador 15.30, El Salvador 15.30, Europa (Africa) 8.00-15.30, Fr. Guiana 8.00, Gdadeloupe 8.00, Guatemala 15.30, Haiti 8.00, Honduras 15.30, Br. Honduras 15.30, Jamaica 8.00, Martinique 8.00, Mexico 15.30, Montserrat 8.00, U.S.A. 8.00, Miami Fla. 8.00, (Asia-Afrika-Australia) 8.00, Nicaragua 15.30, Panama 15.30, Paraguay 8.00, Peru 15.30, Puerto Rico 8.00, Rep. Dominicana 8.00, St. Kitts 8.00, St. Maarten enz. 15.30, Suriname 15.30, Trinidad enz. 15.30, Uruguay 8.00, VENEZUELA: Caracas enz. 15.30, Maracaibo 15.30, Cerramiento di piezanan cerbica ta a ora prome cu di post.

RADIO ANTILIANA

Diahuebs 19 september 1963
05.30 Apertura
06.30 News in English
06.30 Noticianan na Papiamentu
06.45 To 7.45 a.m. Bal Trabao den compania di bo companero constante Radio Antiliana
07.10 News in English
07.30 Noticianan na Papiamentu
07.30 Musica musical
08.30 Musica varia
09.15 Programa pa amanan di cas
11.15 Regalo musical
12.00 Metodias Antillanas
12.15 Noticianan na Papiamentu
12.25 Metodias Antillanas
12.45 Charla deportiva
01.00 North American music
02.00 Album di recuerdo
02.30 Boleros romanticos
03.00 Festival musical
03.30 Programa pa pacientnan den hospital
04.00 Programa „La Esperanza“
05.00 Noticias na Papiamentu
05.15 Calypso
05.30 Calendario Antillano
05.45 Musica varia
06.00 Charla deportiva
06.15 Musica Norte-Americana

Cumpleanjos

Diahuebs 19 september 1963

06.30 News in English
06.45 Variedad musical
07.00 Felicitaciones y complacencias
08.30 Apostolado del Aire
09.00 Musica Latina
09.15 Musica varia
09.30 Anuncios
10.20 Resumen di noticianan
10.30 Clausura.
RADIO VICTORIA
Diahuebs 19 september 1963
A.M.
9.00 Apertura
9.05 Ultimas noticias
9.15 E Bijbel habri
9.30 Gidsdiss
10.00 World news
10.10 The Bible for you
10.15 Radio revival
10.45 Thought on home
11.00 Chapel of the air
11.15 Metodias di merdia
11.30 Metodias di merdia
12.00 Ultimas noticias
12.15 Musica sagrada
12.30 World news
12.45 Quiet time
1.00 Radio concert hall
2.00 Reading room
2.15 Songs of Zion
2.30 Quiet hour
2.45 Ensenos musicales
3.15 Metodias del alma
3.30 Tros y poesia
4.00 Musica di banda
4.15 Ultimas noticias
4.30 Cafe con musica
4.45 Noticias na Spanjo
5.00 Academia del aire
5.15 Palabran di bida
5.30 Musica para la cena
6.00 Ultimas noticias
6.30 Interudio musical
6.45 Nederlandse nieuws
7.00 Fun with music
7.15 Ingles por T.V.
7.30 Musical interlude
8.00 World news
8.15 Off the record
8.30 Back to the Bible
9.00 Musical gems
9.30 Songs in the night
10.00 World news
10.05 Klassieke muziek
11.00 Sign off.

RADIO CARACAS TELEVISION

Diahuebs 19 september 1963
8.45 Senderos de luz
9.00 Caja con sorpresas
9.30 Jardin de infancia
10.00 Ingles por T.V.
10.15 Programa de Cecilia Martinez
11.15 Supermercado al aire
12.00 Show de Saume
12.30 Jefeatura 87
13.00 Noticias
13.05 Cont. Show de Saume
13.15 Se necesita una amiga
13.35 Tercia
14.30 Yo se lo vendo
15.00 Estudio de Hector Monleverte
15.30 Verdad ama de casa
16.00 Aventuras Popeye y Yeyo
16.30 Mejias y sus muchachos
17.00 Tie Tac Toe
17.30 Pelicula
17.55 Noticias
18.00 Pelicula di bucionat
19.00 Teletatro
19.30 Drognet
20.30 Esta noche Billo
22.30 Noticias

RADIO KELKBOOM

Diahuebs 19 september 1963
7.00 Opening
7.02 Bon dia cu alegria (Instrumental)
7.30 Musica musical
8.00 Selección musical cu discoman
8.30 Cumpleanjos felix
9.00 Noticianan social
9.15 Musica varia
9.30 Metodias instrumental
10.00 Noticianan internacional
10.05 Ritmos Latinos
10.30 Programa di N. Habibe Jr.
11.00 Noticianan internacional
11.05 Musica Norte Americana
11.15 Musica Antillana
12.05 Musica varia
12.05 Noticianan internacional
12.20 Musica Norte Americana
12.45 Noticianan local
01.00 Musica varia
01.30 Mel ora cu boleros
02.00 Novela (repetition)
02.30 Peliculas
03.00 Twist
03.15 Merengues
03.30 Calypso

NOTICIA DI POLIS

Continuacion di pag. 1.

Hortamento

Dialuna mainta 8'or a wordo avisado polis cu den un club na San Nicolas algun portanan a wordo forza door di cual un of mas personanan a drenta e club y ristra e lugar. Segun investigacion di polis nan no a hanja falta di nada.

Bateria a wordo horta


Mas o menos un cuarto pasa di 10, dialuna mainta, un dama a bin avisa cu e bateria di su auto a wordo horta. Recherche ta investigando e caso.

Boltermento

Diamars atardi 5'or y mei, e auto A3972, mancha pa C.P. a bolter na altura di Seroe Pretos. E mancha-door di e volante a wordo transporta pa hospital cu ambulancia. Despues di tratamiento medico e por a bai cas atrobe. Danjo material na e auto ta mas o menos 100 florin.

04.45 La Macorisana & Internacional
Supermarket
04.00 Musica cu sabor Azteca
04.30 Noticianan local
04.45 Cotelal musical
05.00 Danzones Cubanos
05.15 Musica varia
06.00 Noticianan deportivo
06.15 Musica varia
06.30 Musica para la cena
07.00 Noticianan internacional na Papiamentu
07.15 Musica Europeo
07.45 Musica Norte Americana
08.15 Novela (Vida Robada)
08.45 Musica varia
09.00 C.C.A.
10.00 Stilling.

HOW'S YOUR WIRING?



No acumula muchu stekker huntu den un stop-contact . . . consulta cu bo electricista pa stop-contact adecuado! Esaki ta otro consejo franco di bo amigo y servidor.

REDDY KILOWATT.

„SANTA PAULA” y „SANTA ROSA”, bapornan moderno di GRACE LINE, semanalmente ta trece turista y carga pa nos isla.

• Usa e servicio eficiente di GRACE LINE y blaha via GRACE.

Agente:

EMAN TRADING CO. INC

Oficina tel: 1156-1554-5054-5055
Dock tel: 2135



DICK TRACY

1. Mi no a papia cu Stoolie, ta casi un luna caba.
2. Y mi mester di su judanzal Ta masha stranjo, semper e ta mira mi y e ta bini mesora.
3. Jimmy the juice, a manda mil Esei ta ken, Jimmy the juice.
4. Mi ta sende un sigarla, esey ta nos senjal di costumher.



RIP KIRBY JAN BODEGOM & CO (Aruba) N.V. TEL. 1284 - 1402

agente exclusivo di FRIESCHE VLAG lechi evap orado y lechi en polvo MAXWELL HOUSE KOFFIE

1. E pistoleronan di Ming ta cai.
2. Nunca mi por a pensa, cu un armadura di pampel ta asina bon.
3. E dragon su pianan ta masha stranjo!



MI TA BUSCA MI JIU

HOLLANDSE BANKETBAKKERIJ
Oranjestad tel. 2798 - San Nicolas tel. 3478

E mehor adres pa Bolo y tur clase di pasa-boca. Diariamente fresco.

—Tin pakiko di castiga bo y manda bo bek serca e homber aki? E muchanan a bolbe... y mi esposa ta morto.

—Ulla a kedá waak e cu wowo grandi, tabata dura un eternidad prome cu el a comprende.

—No, el a grita e ora. Esey no! No pa mi falta! Esey no tin mag.

—Dje el a zak den otro, manera un pida miseria.

—Esey Cristian no a spera. Di repente el a hanja berguenza. Tabata muestra manera e tabata culpa Ulla pa e morto di Elena. Y esey no por. Elena tabata malu hopi anja caba y cada emocio lo a costa su bida. Y nunca e mucha aki, e dama aki, e mama di Helga — tabata kier esey. E kier a salba e muchanan for di man di Pablo Badowski y salba su mes for di prison.

—El a hinka rudia banda di dje y a hisa su cabez.

—E culpa aki, mi no ta perde nunca mas. Ulla a hisa poco poco.

—Basta cu esey, el a bisa. Mi esposa tabata malu pa muti di hopi tempu caba, esey abo no tabatin fal-

ta di dje.

—E ora Ulla a jamta, manera te a wor numa el a realiza unda e tabata.

—Mi no kier molestia bo mas, el a roga. Laga mi bai awor? Mi por bai di berdad? Of bo ta jama polis?

—Ay kiko polis! Na unda bo kier bai anto?

—Mi... no sa. Mi no tin hopi placa. Mi mester busca trabao. Mi lo hanja algu... basta bo laga mi bai.

—Seucha mi bon, y no pagia tocante polis. Mi kier papia cu bo.

—Si, el a bisa, y a pone su maleta abao.

—Bo por a bai bon cu e muchanan? el a puntra.

—Masha bon mes, el a sonrei. Mi a conta nan historia, come cu nan, hanja nan....

—Esey tur hende por. Mi kier meen: bo tabatin contacto?

—E palabrita dificil aki Ulla no tabata comprende.

—Mi a tene nan den mi brazu y nan a pega sonjo asina....



Kennedy ta avisa comercio

„Merca ta perdiendo competencia cu Europa“

Export mester desarolla mas

WASHINGTON, 18 sept. — President Kennedy a declara na comerciantenan na un conferencia tocante expansion di Merca, cu nan ta perdiendo e iniciativa den comercio mundial for di nan competidornan Europeo. El a insisti serca e comerciantenan pa bolbe demostra nan sabiduria door di acepta e desafio y desarolla export di Merca pa henter mundu.

Kennedy a bisa, cu Merca na aña 1962 tabatin un balanz comercial favorable di dos millard dollar, pero cu Merca, a base di su producto bato nacional, ta exporta solamente mitar di loque tabata vende mei siglo pasa na exterior.

Si nos export di mercancías anja (pasa tabata igual na e parti den comercio mundial, cu nos tabatin solamente seis anja pasa, anto nos lo a exporta

COMUNISTANAN INGLES KIER DELIBERACION ENTRE RUSIA Y CHINA

LONDEN, 18 Sept. — E partido comunista Ingles a propone awe por medio di su oficina politico, pa sigui mas lihe posibel cu e deliberacionnan entre e partido comunista di Rusia y di China, cu nan a kibra dia 21 riba peticion di China Comunista.

Den e declaracion nan a bisa, cu e comunistanan Britanico ta nenga pa acepta, cu un kichra den movimientu comunista internacional ta inevitabel. Nan a haci un apelacion na e partidonan comunista pa pensa bastante preparacionnan pa un conferencia mundial di comunismo, cu nan lo mester tene otro anja. Mester nan ta spera esaki, ambos partido mester continua cu e debate ideologico y evita acusacionnan brutu y irresponsabel.



Esaki ta e quintuple di senjora Inez Maria Cuero de Prieto for di Maracaibo cu a nace dia 7 di september. Tur e muchanan ta homber y nan estado di salud ta sigui satisfactorio.

Den e capital di e provincia Hulandes Noord Brabant, 's Hertogenbosch, segun tradicion e mehor caballero na Italia, a worde presenta Esaki a tuma lugar durante e exposicion di „Het Nederlandsche Trekpaard“. Riba e portret nos ta mira con e caballero ta ser presenta di tanti di e publico.

ASALTO DI BOM NA BUENOS AIRES

BUENOS AIRES, 18 Sept. — A jera tres explosion di bom a causa daño considerable na Buenos Aires. E homnan a explota dilanti e instituto cultural Argentino y dilanti di casnan di e ex-ministernan Pinedo y Adrogue, den sercania nan a hanja panfletnan comunista.

ORKAAN TA MENASA ESTADONAN DEN SUR DI MERCA

NEW ORLEANS, 18 Sept. — Hopi habitante den e teritorio litoral di e estadonan Mericano Texas y Louisiana a hui den interior pa e orkan „Cindy“, cu ta asercando costa di Merca cu velocidatnan di 130 kilometer pa ora. Asina a worde participawe na New Orleans.

VOLUNTARIONAN SURNAMEÑO BOU DI ARMA

PARAMARIBO, 18 Sept. — A jera mainta tempran e prome 40 voluntarionan Surnamenjo a worde pone bou di arma pa un educacion militar cu nan lo sigui durante 16 luna. E prome 4 lunanan nan lo ricibi un training apart den campamento Principe Bernhard, for caminda, nan lo parti nan despues pe soha companianan dje forza di trupa na Surinam.

OBRERONAN DI CONSTRUCCION NA ITALIA TA WELGA

ROMA, 18 Sept. — Awe un miljon trabador den construcccion a tumiz un welga di tres dia en consecucion cu kichra di e negociacionnan tocante un acuerdo colectivo nobo di trabao. Siman pasa e obreronan aki a welga dos dia.

ALARMA GRANDI NA AEROPUERTO

ORANJESTAD, 18 Sept. — Dia luna marduga pa banda di tres or e alarma grandi den oficina di polis na Oranjestad a cuminsa pila. Mesora, bombero, ambulans, Gezaghebber interino, comisario di polis, hefe di Servicio di Sanidad y hopi mas a worde avisa, kendenan rapidamente y cu pitamento di sirena a dirigi nan mes cu velocidatnan halto pa Aeropuerto Prinses Beatrix. Ora cu nan a yega ayanan, nan a keda masha stranja. Henter e lugar tabata na seguridad. Hefe di bombero a constata cu tabatin un „corto circuito“. Na e momento ey como 20 homber a waak otro poco babuca. E unico cu a scapa di esaki tabata Gezaghebber interino, kende cinco minuut despues cu el a worde avisa di e alarma grandi, a bolbe yama na telefon pa informa si e situacion tabata critico.

PREDICANTENAN A DRENTA BIBLIOTECA TOCH

ANNISTON, 18 Sept. — Dos predicante color seur ajera a dreña den un biblioteca cu ta exclusivamente pa hendenan blanco y nan a keda un cuartu di ora eynan. Nan tabata acompaña pa tres funcionario di gobierno municipal.

E hendenan color seur a bandona e sala via di un porta di banda. Den sercania di e edificio tabatin un guardia fuerte di polis. E bishita di e predicantenan na e biblioteca a transeuri sin ningun incidente. Antajera un grupo di hendenan blanco a maltrata e predicantenan ora cu nan a trata na dreña den biblioteca.

DEMOSTRACION ANTI MALEISIA NA MANILLA

MANILA, 18 Sept. — Tabatin awe na Manila demostracionnan contra proclamacion dje bond di Staten di Maleisia. Algun cien estudiante cu tabatin horebinan cu e lemanan „kita imperialismo Ingles, y nos no ke Maleisia“, tabata pasa banda di edificionan di embahada di Maleisia y Gran Britania.



CONCURSO NOBER NOBO

(Fuera responsabilidad di redaccion)
Respetable Srs. di redaccion di Arubaanse Courant.
Pa medio di es lineanan aki, mi kier felicita redaccion di Arubaanse Courant pa cu rotundo exito di e con-

curso „Nobor nobo pa Arubaanse Courant“.

Como mi ta un admiradora y fiel lectora di Arubaanse Courant, mi kier haci awor uso di e oportunidad di demostrele mi eunimo, dedicando na Arubaanse Courant un poesia di mi inspiracion.

Sin embargo si ta nosibel, lo mi a desea, pa e no worde publicu.

No ta mi intencion pa desagradar ningun persona, ni tampoco pa Arubaanse Courant ricibi ningun reproche, pues mi kier dedica e siguiente letramentu solamente na mi Arubaanse Courant, cu tanto mi ta aprecia.

Cu miles di saludos y mijon di danki,

Su servidora,

AIDA CROES

Tanki Leendert 41, Aruba.

ARUBAANSE COURANT

A rubaanse Courant, nos preferible noticiero

Riba tur otro mensahero

Uno i tur El a conquista.

Berdaderamente El a triunfa.

Aruba a demostra esey, votando

Ariba es diario Pro-Arubano.

Nada otro no por iguala

Su exito i capacidat.

E simbolo di prestigiosidad.

Contentisimo nos tur ta

Orgullosu riba nos diario stima

Un diario di mas categoria

Ricibiendo aprecio i simpatia

A rubaanse Courant, Aruba ta gradici,

Nos tur hunto, o diario preferi,

Ta felicita Bo, p'e exito obteni.

AIDA CROES

PRINCESA BEATRIX A HANJA DONATIVO PA DOUSAJD

AMSTERDAM, 18 Sept. — Awe tardi Princesa Beatrix a hanja ne teras dje Centro Cultural Internacional den Vondelpark na Amsterdam un suma di 32.000 florin pa construcion di un school den e pueblo di Persia Dousaj, cu den un temblor anja pasa a keda destrui. E donativo tabata dje asociacion Hulanda-Iran, y di e comite di Unesco.

CANCELLER ADENAUER CERCA PAPA

CIUDAD DI VATICANO, 18 Sept. — Papa Pablo a ricibi canceller Adenauer di Alemania West awe mainta en audiencia.

E canceller lo bishita algun capital Europeo prome cu e 11 baha di su puesto mas den fin di e anja aki.

MALEISIA TA QUIBRA CU INDONESIA Y FILIPINAS

MANILA, 18 Sept. — Maleisia a kibra awe cu Indonesia y Filipinas, asina a worde participa oficialmente di parti di Maleisia.

Den circulanon oficial na Filipinas nan tabata sorprende awe pa e decision di gobierno di Maleisia pa kibra relacionnan. Nan a mustra cu Filipinas tabata na punto di organiza un conferencia cumbre nobo pa drecha union entre e tres paisnan.

Un portavoz di e ministerio di exterior di Filipinas a bisa cu e decision a causa un shock cu ta peora e situacion.

TERRORISTANAN NA CARACAS DEN ACCION

CARACAS, 17 Sept. — Terroristanan cu kier a stroba un reunion politica cu tabata pa worde tene na apoyo di president Betancourt, a tira durante un tiro-o corticu den cayanan di Caracas.

E tiramentu a cuminsa ora cu polis tabata persigui un auto for di cual nan tabata hanta panfletnan di e potencia revolucionario nacional di liberacion. Den e panflet tabata worde bida na disolve e partido accion democratica di president Betancourt.

Prome cu esey terroristanan a roga un supermarket na cendela y nan a roba 10.000 dollar di un compania di seguro.

Ajera noch y marduga tabatin brincamentnan na Caracas capital di Venezuela, cu a cos'a bida di un persona y a laga cuater herida. Cuater autobus a worde k'ma. Na diferente lugar den e ciudad nan a laga homnan plastico explota.

Segun polis e autonan di un autocoro desorden ta e forzan di liberacion nacional, un movimientu extremu izquierdista, cu na prome lugar ta contra di e partido di gobierno „accion democratica“.

DECLARACION DI INDONESIA

DIJAKARTA, 18 Sept. — E gobierno Indones a participa cu e deplora e a'akenan riba e embahadan di Inglaterra y Maleisia profundamente asina e agencia oficial di prensa na Indonesia „Antara“ a participa.

Autoridadnan lo tuma medidanan contra esnan culpable, asina a worde bisa. Pero ta worde agreza, cu Indonesia ta aprecia e actitud combativo di diferente parti di e poblacion.

Directiva di

Continuacion di pag. 1.

cedimento legal, bo a actua di mala fe contra interesnan di Union;

Cu bo tabata tin oportunidad di clarifican bo punto di bista encuanto esaki den reunion general, sin embargo bo a escoge e caminda di procedimientu legal, cual a descredita e posicion di Union den e comunidad;

Cu un majoria innegabel di miembronan a aproba e procedimientu di nominacion y eleccion, manera ta evidente den e resultado di eleccion; Ta conclui cu Directiva lo pone bo expulsion como miembro di Union ariba agenda pa reunion general.

Directiva kier hala bo atencion ariba bo derechonan stipula den Reglamento Interno.

Segun e statutanon di e Union senior Figaroa tin un periodo di tres siman pa entrega su objecionnan contra e decision por escrito serca e Directiva. Denier di discusater dia despues di ricibi e protesta aki of en caso cu no tin un protesta, denier di 28 dia despues di e anuncio di e Directiva, Directiva lo pone e expulsion riba agenda di un reunion general, sino hala su decision aden. Si e proposicion jega den e reunion general, e secretario lo lesa aya tur e correspondencia relaciona despues di cual e miembro relaciona tin e derecho pa contesta aya mes riba esey.

Inmediatamente despues e reunion mester tuma un decision den e asunto. Segun e statutanon.

Reaccion

Entretantu nos a tende cu senior Figaroa lo laga e Directiva di I.O.W.U.A. sa, cu e no ta considera e presidente Frans Lodewijk Maduro, pa motibu di eleccion ilegal, competente pa tuma un tal decision, tampoco e Directiva actual di e union.

Cu reserva di tur derecho senior Figaroa lo acepta e contenido di e carta pa tuma nota. Por demas nos a ser mustra di banda di senior Figaroa, cu e palabranan „mala fe“ no ta di acuerdo cu e sentencia di huez.

UNION SOVIETICA TA CUMPLA TRIGO DI CANADA

OTTAWA, 19 sept. — Union Sovietica a sera e acuerdo mas grandi den historia di Canada di compra di trigo y a encarga mas di 500 millon dollar di trigo y un cantidad di harina di pan cu ta en acuerdo cu 29.5 millon bushel y cu nan mester entrega den e venidero 10 lunanan. Mester considera e transaccion como un parti di un acuerdo comercial nobo di tres anja entre Canada y Union Sovietica.

Segun e acuerdo Union Sovietica, lo paga pa cada embarcacion separa 25 porciento al contado y e resto den cuota di 18 luna.

E minister Canades di Comercio a participa, cu e compania di seguro a duna permit pa credicionan di exportacion pa admiti Union Sovietica credito, cu na cada momento por ta maximo 200 millon dollar.



Graymont Elementary School tabata un di e schoolnan cu admitti alumnonan di color riba orden di gobierno federal, na Birmingham (Alabama). Despues cu dos mucha di color a worde admitti na e school, un mama rabia a bai kita su jiu for di e school. E mucha aparentemente no tabata gusta esey mucho y a sali na yoramentu.

BUCHI ROBEZ presenta pa cortesia di PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas

